

**April 24, 2016**

Maikapat a Domingo kalpasan Panangungar

Leksion 22: Panangammo iti Dios Babaen iti Nagungar a Cristo

**Daan a Tulag: Dagiti Salmo 2:7**

Kuna ti Ari, "Ipakaammok ti inbilin ti Apo. Kinunana kaniak, "Sika ti annakko manioud ita nga aldaw nagbalinak nga Amam."

**Baro a Tulag: Colosas 1:15-17**

Ti Katatao ken Trabaho ni Cristo

Ni Cristo ti pudno a ladawan ti saan makita a Dios. Isu ti inauna nga Anak, kayatna a sawen, katatan-okan kadagiti amin a parsua. Ta babaen kenkuana, pinarsua ti Dios dagiti amin nga adda iti langit ken daga dagiti makita ken dagiti saan agraman dagiti naespirituan a pannakabalin, trono, panagturay, kinatan-ok ken bileg. Pinarsua ti Dios ti entero a lubong babaen kenkuana ken maipaay kenkuana.

**Pannakailawlawag ti Teksto**

Ti Salmo 2 ket dakamatenna ti biang ni Ari David kas pinili ti Dios nga agturay. Inayonna pay ti pakaibasaran ti panagturay dagiti dadduma pay a kaputotan ni David. (Davidic dynasty) Daytoy a pannakapili ket maysa a pannakaipakita ti naisangsangayan a relasion nga impasdek ti Dios kadagiti nagtuturay a kaputotan ni David nangrugi kenkuana. Ti pannakaipadto ti mangisalakan ket dakamatenna a daytoy ket agtaud iti kaputotan ni David nga asideg la unay iti Dios ket naawagan pay kas anak ti Dios. Ni ari David ken dagiti simmukat kenkuana kas ari ket nagturayda iti abagatan a paset ti Israel, nga isu ti Juda, nupay kasta saan a limmawa daytoy a pagturayan agingga iti panangdadael ti Babilonia ket naitalaw pay kas balud dagiti taga Babilonia dagiti dadduma a nagturay idi 597-587 BCE. Ti Salmo 2:7 ket maysa a panangbigbig kadagiti ari iti kaputotan ni David, ken maysa met laeng a mensahe kadagiti tattao iti ruar ti Israel a di nabaelan a sinakup ken inokupar dagiti kaputotan ni David. Ti sangalubongan ket naituding nga iturayan dagiti kaputotan ni David. Ket nupay saan a nagballigi ti nasao a kaputotan a nangpalawa iti pagturayanna iti ungti ti daga, ngem intuding ti Dios a ti mesias, wenna ti mangisalakan ken agturay iti sangalubongan ket nagtaud iti kaputotan ni David.

Iti met surat ni Apostol Pablo, bigbigenna a ni Jesus ti Apo ti sangaparsuaan, ken ladawan ti saan a makita a Dios. Adda ken Cristo ti amin a pannakabalin ket iturayanna amin a parsua. Dagiti trono, panagturay, kinatan-ok ken amin a pannakabalin ket naparsuada babaen kenkuana ken maipaay kenkuana. Inyeg ti pannakatay ni Jesus iti krus ti naindaklan ken baro a kaipapanan ti relasion ti Dios Ama ken ti pinilina para iti pannakasubbot ken kappia iti nagbabaetan dagiti tattao ken nasion nga awan ti maidumduma. Impasdek ni Jesus ti baro a pangrukodan. Kaipapananna a mabalin a maisubli ti dignidad ti tao ken agbiag a nawaya babaen iti pammati ken panangsuot iti dana a nagaan ni Jesus. Ti panagbiag iti ayat ti Dios ket saan laeng a gagangay a panagdaliasat gaputa kasapulan ti panagibtur ken panagsakripisio a danggayan ti pudno a panagtulnog ken pannakaigamer iti espiritu ti kinapudno a mangyeg iti wayawaya. Ngarud dagiti napabileg nga annak ti Dios ket agbiagda kas baro a parsua ken Cristo nga addaan naisangsangayan a panggep ken mision iti biag a napno iti mangwayawaya, mamagkappia ken mangted talna nga ayat ti Dios. Ti relasion nga indiyaya ti Dios kadagiti

nagturay a kaputotan ni David ket saan a nataginayon ti panagballigina agingga a natnag iti ima dagiti taga Babilonia, ngem ti Salmo ti Ari ket saan a nalipatan dagiti tattao ti mensahena. Nagkararagda a napnuan namnama iti panagsubli ti mangisalakan manipud iti kaputotan ni David, nga iti agdama, naawatan dagiti Cristiano kas baro ken umisu a kaipapanan ti Meslas babaen ken Jesu Cristo isu a nagsagaba a nagtaud iti kaputotan ni David. Inlawlawag met ni Pablo iti suratna kadagiti taga Colosas a ni Jesus nga Apo ti sangaparsuaan ti agtagikua iti amin a pannakabalin, turay ken ti naipannayag a ladawan ti Dios. Ni Jesu Cristo ti naan-anay a pakatungpalan ti naipakaammo iti Salmo a Mesias, ti pakatungpalan ti panangipakaammo ti Dios iti kinasiasinona. Ti nagungar a Cristo ket adda mensahena kadatayo, a ti Dios adda kenkuana, ket kenkuana masarakan ti sangaparsuaan ti kaipapanan, panggep ken dignidad.

## **TARABAY KADAGITI MANGISURO**

Iti testimonio dagiti Apostoles, ni Cristo ti naan-anay a nakaiparangaran ti Dios para kadatayo. Ti linteg ken dagiti Propeta ket naisurat ti pammaneknekda iti daytoy a kinapudno iti Daan a Tulag. Ngem ti pammaneknek ni Jesus ket nagbalin a dara ken lasag. Ti panagbalin ti Dios kas tao babaen ken Cristo ket isu ti kangrunaan nga ubbog ti naCristianoan a sursuro. Ti pannakaawat a ti Dios ket nasantuan ken mataginayon ket masarakan met kadagiti dadduma a relihion uray pay ti hustisia ken kinamanangaasi ti Dios. Ti naidumduma iti pammatitayo a Cristiano ket ti naipakaammo babaen ken Jesus a ti nasantuan ken agnanayon a Dios ket nagparang kas tao, nagbiag ken natay para iti pannakaisalakan ti lubong ken sangaparsuaan. Daytoy a testimonio ti nakaidumaan ti estoria ti biag ni Jesus kadagiti dadduma pammati maipanggep iti Dios. Ti pannakaammo iti biag ken aramid ni Jesus ditoy lubong ket mangted met iti naan-anay a pannakaammo iti Dios. Ipakaammona met kadagiti mamati ti desinio ken kalat ti Dios iti sangaparsuaan. Uray pay ti rumbeng a panagbiag ken no kasano ti pannakirelasyon ti tao iti padana a tao ken iti aglawlaw ket makita babaen iti biag ni Jesus. Ti pannakaammo iti nagtungpalan ni Jesus a naipakita iti pannagungar ken pananggun-odna iti gloria ti Dios Ama ket isu met ti tulbek ti pannakaawattayo no ania ti agur-uray kadatayo kalpasan ti patay ken ania ti pagtungpalan ti pakasaritaan. Ti kaadda ti Dios para kadatayo ket kas met laeng iti kaipapanan ti kaadda dagiti nagannak para kadagiti annak. Dagiti kaunaan a pampanunot maipanggep iti Dios ket naparsua ti tao para iti pakaidayawan ti Dios. Kayatna a saoen, addatayo iti daytoy a biag para iti Dios, ngem ti kaipapanan ti iyuulog ti Dios para iti pannakaisalakantayo ket tapno sursuruannatayo nga agpakumbaba ket maliklikan ti kinatangsit. Daytoy ket saan a baro a sursuro, daytoy ket maibasar iti kaipapanan ti panaglasag ti Dios ken Cristo. (Athanasius' Cur deus homo? Why God became human) Kaipapanan daytoy a ti ibababa ti Dios iti gloriana ket tapno maitag-aytayo met iti gloriana. Ti nagbalinan ti Dios babaen ken Cristo ket isu koma met ti bagbalinantayo. Ti panangibaba ti Dios iti saad ken bagina ket naipakita ken Jesus a situtulok iti panangtagibassit ken panangidadanes kenkuana ti pannakabalin ti tao. No kasano a napanday ti pannakaisalakan babaen iti daytoy saan a matukod nga aramid ti Dios, ket nagbalin a paset ti saan nga agpatingga a panangkarkarawa ti tao iti kinasiasino ti Dios, ngem ti kapapatgan kadagiti isu amin ket no ania ti inaramid ti Dios para kadatayo, ta daytoy ti mangipakita iti di marukod a panagayat ti Dios kadatayo.

## Nursery/Kindergarten/Younger Elementary Levels

### I. Panggep

Kalpasan ti panagadal, ken ti di agsarday a panangipakita dagiti nagannak ken dagiti nataengan, iti pagtuladan a wagas ti panagbiag, dagiti ubbing ket manamnama a:

1. Mangrugida a mang-apirmar nga ti Dios ay-ayatennatayo babaen iti iyuumay ni Jesus ditoy lubong.
2. Mangrugida nga iladawan ti ayat ti Dios kadagiti tattao babaen iti panangibaonna ken Jesus ditoy lubong.
3. Maidemonstrarda iti panangappresiarda ti ayat ti Dios kadagiti amin a tattao.

**II. Konsepto:** Impakaammo ni Jesus a ti Dios ket para kadatayo.

**Dagiti Kasapulan:** *Biblia* (NRSV), pagyanan ti offerta, activity sheet

### III. Linaon ti Panagadal

#### A. Panglukat a Panagdayaw

1. Panangpasangbay: Kas agsasangpet dagiti ubbing, kablaawan ida babaen iti arakup wenno allamano. No adda kabarbaro nga klasmeytda gundawaymo ti mayam-ammo kadakuada.
2. Panglukat a Kararag:  
Managayat a Dios, agyamanakami manen ta addakami iti daytoy a disso tapno agadal kadagiti Sasaom babaen iti naragsaka panag. Isuronakami kadagiti wagas ti panagadalmi tapno maawatanmi a naimbag dagiti adalenmi. Daytoy ti kararagmi ken Kristo Jesus nga Apomi. Amen!
3. Panagkanta: "The Love of Jesus"  
The love of Jesus is the love of God  
The love Jesus sweet and marvelous  
The love of Jesus is the love of God  
Oh, oh, wonderful love.

#### B. Panagsagana

Isuro dagiti sumaganad nga daniw.

Ti Dios Ket para kadatayo

Ti Dios ket para kaniak. Kasta met ti Dios para kenka.

Ti Dios ket para kadatayo amin gaputta ti Dios ay-ayatennatayo.

Isuro dagiti sumaganad nga garaw wenno aksyon:

*Ti Dios (Itudo ti ngato) ket para kaniak (itudo ti bagi).*

*Ti Dios (Itudo ti ngato) kasta met a para kenka (itudo ti pada nga ubbing).*

*Ti Dios (Itudo iti ngato) ket para kadatayo amin (iyunnat ti ima).*

*Gaputta ti Dios (itudo ti ngato) ay-ayatennatayo (pagkrosen ti ima iti barukong).*

#### C. Panawen ti Panagadal

Isagana dagiti ubbing a dumgeg iti basaem a dialogo. Ibagam nga dumngegda ket saanda agtagtagari ta dengennda ti panagsarsatidada Esther, Elyse ken dagiti nagannakda.

Tagabasa: Maysa a pangrabii, ni Esther adda inistoryana bayat ti pannanganda.

Esther: Ammoyo tatang, nanang, kuna ni Ria mapandanto kanu diay baybay inton Domingo.

Elyse: Apay?

Esther: Agkasangay ni Ria ket idia danto kas a selebraran.

Elyse: Tatang, Nanang, mabalin sumurot tayto met inton Domingo. Please?

Nagannak: Wen mabalintay met ti mapan ngem saan nga ti aldaw ti Domingo. Esther and Elyse: Apay saan a mabalin ti Domingo?  
 Tatang: Ayna, annakko intay diay kapilya ti aldaw ti Domingo.  
 Nanang: Adu aramidentayo ti aldaw ti Domingo. Agisuroak ubbing. Miembro ni tatangyo ti koro.  
 Esther: Aywen agtokarak to pay nu Domingo baben ti violin.  
 Elyse: Adu gagayemmko diay Sunday School a pakiay-ayamak.  
 Esther and Elyse: Apay ar-aramidentayo dagitoy tatang, nanang?  
 Nanang: Aramidentayo amin dagitoy kas panangipakitatayo ti nabuslon a panagyamantayo gapu kadagiti adu a bendisyon nga ipapaay ti Dios kadatayo.  
 Tatang: Inted ni Apo Dios ti annakna para kadatayo tapno mailansa sadiay kruz. Naituding a matay ngem iti maikatlo nga aldaw nangungar.  
 Esther: Wen gayam kuna ni titser ko natay ni Jesus ngem nagungar tapno agtultuloy nga tulongannatayo.  
 Elyse: Tatang, nanang mapantayo met ngarud diay baybay a basta saan nga aldaw ti Domingo?  
 Nagannak: Wen annakko basta saan nga aldaw ti Domingo.

#### ***D. Panangpauneg ti Adal/Panagbibinnuray***

Diskutiren ti dialogo.

1. Sinno dagiti tattao iti dialogo? (Nagannak, Esther and Elyse)
2. Ania ti inbingay ni Esther iti pannanganda?  
(Agkasangay ni Ria a gayyemna ket selebraranda diay baybay)
3. Ania ti kayatda Esther ken Elyse? (mapanda met koma sumurot uray aldaw ti Domingo)
4. Ania sungbat dagiti nagannakda? (Saanda mabalin nga aglangan(ag-absent) ti Aldaw ti Domingo) Apay? (gaputta no aldaw ti Domingo, adda ubraenda diay kapilya.)
5. Annamongam kadi ti sungbat dagiti nagannak? Wen wenno saan? Apay?
6. Apay nga importante ti aldaw ti Domingo?
7. Apaya nga masapul nga ipangpangrunatayo ti Dios?
8. Ania ti nagleppasan ti dialogo?

#### ***E. Panangdiskubre ti Adal***

Damagem: Apay nga inbaga ni Jesus a ti Dios ket para katayo amin?

#### ***F. Panangyaplikar ti Naadal***

1. Isurom ti umuna a paraupo ti "For the Beauty of the Earth (HFJ # 233).
2. Ibagam kadagiti ubbing nga mangibagada ti balikas a pagyaman iti Apo.
3. Santo mangibingayda pay no ania ti aramidenda kas ipakitada ti panagayatda iti Dios.

#### ***G. Pangrikep a Panagdayaw***

1. Pangdaton
2. Pangrikep a Kanta: "For the Beauty of the Earth (HFJ # 233)
3. Panrikep a kararag: "Apo Dios, agyamankami iti agnanayon a panagayatmo kadakami kas inparangrang ni Jesus kadakami. Kayatmi nga ipadamag ti ayatmo kadagiti sabsabali babaen kadagiti nasasayaat a pannakisaomi ken panagaramidmi ti naimbag. Daytoy ti kararag mi ken Jesus nga Apomi, Amen!

## Middle and Older Elementary Levels

### I. Panggep

Kalpasan ti panagadal, dagiti nagatendar ket manamnama a:

1. Apirmaranda nga ti Dios para kadatayo babaen iti iyuumay ni Jesus kadatayo;
2. Mailadawan ti panagayat ti Dios kadagiti tattao babaen ti panangtedna ken Jesus;
3. Mailistada no kasano ti wagas ni Jesus a nagbiag ken,
4. Maidemostrarda ti panang-appresiarda ti panagayat ti Dios kadagiti tattao babaen iti napintas nga art wenno creative activity.

**II. Konsepto:** Impakaammo ni Jesus a ti Dios ket para kadatayo

**Dagiti Kasapulan:** *Biblia* (NRSV), dakkel a basket wenno kartoon a pagyanan kadagiti aniaman a banag a mabalin nga isuot wenno props a mangipakita ti kinasiasinno ni Jesus, (laglagipenyo a ni Jesus kas kadatayo- nangisit ti buokna) activity sheet,

### III. Linaon ti Panagadal

#### A. Panglukat a Panagdayaw

1. Panangpasangbay: Umisem kas sumangbay dagiti ubbing. Tsekan ti nagan dagiti adda nga ubbing.
2. Panglukat a kararag: “Apo Dios, ammomi nga kanayon nga addaka kadakami no kastoy nga agadalkami, agdayawkami ken aglalangen-langenkami kas an-annakmo. Riknaenmi ti presensiyam babaen ti Santo Espiritum. Amen.
3. Panglukat a kanta “The Church that Is Called by God” (HFJ #315)

#### B. Panagsagana

1. Isagana ti klasem kas agay-ayamda ti “Imatangan ti Dios babaen kadagiti banbanag iti aglawlaw”. Ipan ti karton dagiti adu a banbanag nga insaganam nga masakan dita lugaryo.
2. Ibagam nga kada ubbing mangalada ti maysa a banag nga adda iti bag wenno karton. Ibagam nga kitaenda ket obserbarendo ti banag nga innalada. Damagen dagiti sumaganad a salsaludsod.
  - a. Ana ti pakausaranna dayta a banag? Importante kadi dayta a banag kadakayo?
  - b. Sinno ti pagyamananyo iti dayta a banag?
3. Iproseso ti aktibidad. Pagmaymaysaen ti sungbatda babaen iti panangiturongmo iti kinapudno: kasano ti panangkitada ti Dios kadagiti banbanag a makita ken maobserbaran.

#### C. Panawen ti Innadal

1. Asistaren ti klase ket ipakaawat ti kayat a sawen dagiti sumaganad nga sasao:
  - a. Bugbogtong
  - b. imahe ti saan makita a Dios.
  - k. ti umuna nga anak kadagiti amin a parsua
  - d. dagiti makita ken saan a makita a banbanag
  - e. naparsua a kalanglanga ti Dios
  - f. naparsua a para iti Dios
  - g. kadagiti amin a banbanag
  - h. amin a banag ket agkokonektar.

2. Isarunom nga ipabasa ti pakaibatayan ti leksion ken inaig iti kayat a sawen dagiti naririgat nga balikas ken tulongan ida nga mangibalikas iti kabukbukondan nga sarita.

3. Mangimbitar ti maysa a sangaili mabalin maysa nga agtutubo, isu a sisasagana nga mangilawlawag iti nagungar nga Jesus nga adda marka ti lansa iti imana. Mangisagana ti luplupot nga usaren ti inimbitaram tapno kasla aglanglanga nga Jesus. Ti aramidenna ket agsao maipapan iti panagayat ti Dios para kadakuada. Ipabasa ti sumaganad ng akas tarayen ti saritaenna.

4. Kasanguanan nga pastreken ti bisita, ibaga iti klase nga panunotenda nga umay ni Jesus a makisarita kadakuada. Tuladenna dagiti sumaganad:

Kappia ti maadda kadakayo! Hello! Kumusta kayo ita nga aldaw?

Inimbitarannak ni titseryo tapno umayko ipadamag ti ayat ti Dios kadatayo. Ti Dios ket para kenka, para kaniak ken kadatayo amin. Nagbalin a tao ti Dios babaen ken Jesu Cristo tapno mapadasan dagiti tattao ti panagayat ti Dios. Inpakita ni Jesus ti panagayatna kadagiti tattao babaen iti panangiproklamarna ti Naimbag a Damag kadagiti napanglaw. Inagasanna dagiti masaksakit. Pinakanna dagiti mabisin. Pinakawanna dagiti managbasol. Dagitoy dagiti banbanag nga inaramid ni Jesus tapno ipakitana ti panagayatna kadatayo.

Numan pay no natay diay krus ngem nagungar iti maikatlo nga aldaw kas saksi ti pannakabalin ti Dios manipud ken patay. Makitayo ti nagdalan ti lansa ditoy dakulapko? Wen kas mangted biag ken Jesus, nailansaak ngem nagungarak. Masapul a pumanawak ta agsubliak ken ama. Ngem kasanguanan a panawan kayo ipatalgedko nga ti Dios ay-ayatennakayo kas panagayatda tatang ken nanangyo. Agbalinkayo koma a nasayaat kadagiti nagannakyo ken kadagiti gagayemmyo. Bendisyonannakay ti Apo. Innak pay! Bye!

#### ***D. Panangpauneg ti Adal/Panagbibinnuray***

1. Maibatay iti Nasantuan a Surat, damagen dagiti sumaganad:

a. Ania ti mensahe ti Dagiti Salmo 2:7? Sinno ti ammoyo a nangted ti mensahe? Sinno ti pakaiturongan ti mensahe?

b. Ania ti mensahe ni San Pablo maipapan ken Jesus. Ana ti pagpadaanda iti Dagiti Salmo.

2. Maibatay iti sangailitayo a nagsarita, damagen dagiti sumaganad a salsaludsod:

a. Sinno ti para kadatayo ken nagtao babaen ken Jesu Cristo? (Dios) Ania ti ipakitana daytoy? (ti naindaklan a panagayat ti Dios ti Dios ditoy lubong ken ti sibubukel a sangaparsuaan)

b. Ania dagiti inaramid ni Jesus a banbanag tapno maipakaita ti panagayatna ditoy lubong? (Inwaragawag ni Jesus ti Pagarianna kadagiti napanglaw, Inagasanna dagiti masakit, Pinakanna dagiti mabisin ken pinakawanna dagiti managbasol)

#### ***E. Panangdiskubre ti Adal***

*Saludsodem:* “Ania ti panagkunayo- apay nga inbaga ni Jesus a ti Dios ket para kadatayo?”

#### ***F. Panangyaplikar iti Naadal***

1. Tell the children to memorize the verse: 1 Colossians 1:15

1. Ibaga kadagiti ubbing nga ikabesada ti I Colosas 1:15

2. Let the class think of their response to God’s love for us through how Jesus lived.

Ask them to say what they can do to others to express their appreciation to God.

2 Ibaga kadagiti ubbing a panunotenda no aniat’ wagasda a mangsungbat iti ayat ti Dios.

Ibingayda no aniat aramidenna kadagiti sabsabali kas iyebkasda iti panagayatda iti Dios.

Ay-ayaten ni Jesus dagiti napanglaw.	Ti sungbat:
Inagasan ni Jesus dagiti masaksakit	Ti sungbat:
Pinakan ni Jesus dagiti mabisin	Ti sungbat:
Pinakawan ni Jesus dagiti mangbasol	Ti sungbat:

### ***G. Pangrikep nga Aramid***

1. Ibaga iti klase nga ikabesada ti laglagipen a bersikulo.
2. Panagdaton:
3. Pangrikep a Kanta: "The Church that Is Called by God" HFJ #315
4. Pangrikep A Kararag: "Dios ti ayat, agyamankami iti naindaklan nga ayatmo kadakami. Kayat mo nga agbalinkami a naimbag iti imatangmo ken iti imatang dagiti padami a tattao. Ipakitam agnanayon ti mensahe a sika ket para kadakami ket dakami masapul nga agaramid iti pagayatam kas panangipakitami ti ayatmi kenka. Amen!

## Youth Level

April 24, 2016

Maikapat a Domingo kalpasan Panangungar

Leksion 22: Panangammo iti Dios Babaen iti Nagungar a Cristo

### Daan a Tulag: Dagiti Salmo 2:7

Kuna ti Ari, "Ipakaammok ti inbilin ti Apo. Kinunana kaniak, "Sika ti annakko maniod ita nga aldaw nagbalinak nga Amam."

### Baro a Tulag: Colosas 1:15-17

Ti Katatao ken Trabaho ni Cristo

Ni Cristo ti pudno a ladawan ti saan makita a Dios. Isu ti inauna nga Anak, kayatna a sawen, katatan-okan kadagiti amin a parsua. Ta babaen kenkuana, pinarsua ti Dios dagiti amin nga adda iti langit ken daga dagiti makita ken dagiti saan agraman dagiti naespirituan a pannakabalin, trono, panagturay, kinatan-ok ken bileg. Pinarsua ti Dios ti entero a lubong babaen kenkuana ken maipaay kenkuana.

### Pannakailawlawag ti Teksto

Ti Salmo 2 ket dakamatenna ti biang ni Ari David kas pinili ti Dios nga agturay. Inayonna pay ti pakaibasaran ti panagturay dagiti dadduma pay a kaputotan ni David. (Davidic dynasty) Daytoy a pannakapili ket maysa a pannakaipakita ti naisangsangayan a relasion nga impasdek ti Dios kadagiti nagtuturay a kaputotan ni David nangrugi kenkuana. Ti pannakaipadto ti mangisalakian ket dakamatenna a daytoy ket agtaud iti kaputotan ni David nga asideg la unay iti Dios ket naawagan pay kas anak ti Dios. Ni ari David ken dagiti simmukat kenkuana kas ari ket nagturayda iti abagatan a paset ti Israel, nga isu ti Juda, nupay kasta saan a limmawa daytoy a pagturayan agingga iti panangdadael ti Babilonia ket naitalaw pay kas balud dagiti taga Babilonia dagiti dadduma a nagturay idi 597-587 BCE. Ti Salmo 2:7 ket maysa a panangbigbig kadagiti ari iti kaputotan ni David, ken maysa met laeng a mensahe kadagiti tattao iti ruar ti Israel a di nabaelan a sinakup ken inokupar dagiti kaputotan ni David. Ti sangalubongan ket naituding nga iturayan dagiti kaputotan ni David. Ket nupay saan a nagballigi ti nasao a kaputotan a nangpalawa iti pagturayanna iti ungti ti daga, ngem intuding ti Dios a ti mesias, wenna ti mangisalakian ken agturay iti sangalubongan ket nagtaud iti kaputotan ni David.

Iti met surat ni Apostol Pablo, bigbigenna a ni Jesus ti Apo ti sangaparsuaan, ken ladawan ti saan a makita a Dios. Adda ken Cristo ti amin a pannakabalin ket iturayanna amin a parsua. Dagiti trono, panagturay, kinatan-ok ken amin a pannakabalin ket naparsuada babaen kenkuana ken maipaay kenkuana. Inyeg ti pannakatay ni Jesus iti krus ti naindaklan ken baro a kaipapanan ti relasion ti Dios Ama ken ti pinilina para iti pannakasubbot ken kappia iti nagbabaetan dagiti tattao ken nasion nga awan ti maidumduma. Impasdek ni Jesus ti baro a pangrukodan. Kaipapananna a mabalin a maisubli ti dignidad ti tao ken agbiag a nawaya babaen iti pammati ken panangsuot iti dana a nagaan ni Jesus. Ti panagbiag iti ayat ti Dios ket saan laeng a gagangay a panagdaliasat gaputa kasapulan ti panagibtur ken panagsakripisio a danggayan ti pudno a panagtulnog ken pannakaigamer iti espiritu ti kinapudno a mangyeg iti wayawaya. Ngarud dagiti napabileg nga annak ti Dios ket agbiagda kas baro a parsua ken Cristo nga addaan naisangsangayan a panggep ken mision iti biag a napno iti mangwayawaya, mamagkappia ken mangted talna nga ayat ti Dios. Ti relasion nga indiaya ti Dios kadagiti



nagturay a kaputotan ni David ket saan a nataginayon ti panagballigina agingga a natnag iti ima dagiti taga Babilonia, ngem ti Salmo ti Ari ket saan a nalipatan dagiti tattao ti mensahena. Nagkararagda a napnuan namnama iti panagsubli ti mangisalakan manipud iti kaputotan ni David, nga iti agdama, naawatan dagiti Cristiano kas baro ken umisu a kaipapanan ti Meslas babaen ken Jesu Cristo isu a nagsagaba a nagtaud iti kaputotan ni David. Inlawlawag met ni Pablo iti suratna kadagiti taga Colosas a ni Jesus nga Apo ti sangaparsuaan ti agtagikua iti amin a pannakabalin, turay ken ti naipannayag a ladawan ti Dios. Ni Jesu Cristo ti naan-anay a pakatungpalan ti naipakaammo iti Salmo a Mesias, ti pakatungpalan ti panangipakaammo ti Dios iti kinasiasinona. Ti nagungar a Cristo ket adda mensahena kadayo, a ti Dios adda kenkuana, ket kenkuana masarakan ti sangaparsuaan ti kaipapanan, panggep ken dignidad.

## **TARABAY KADAGITI MANGISURO**

Iti testimonio dagiti Apostoles, ni Cristo ti naan-anay a nakaiparangaran ti Dios para kadayo. Ti linteg ken dagiti Propeta ket naisurat ti pammaneknekda iti daytoy a kinapudno iti Daan a Tulag. Ngem ti pammaneknek ni Jesus ket nagbalin a dara ken lasag. Ti panagbalin ti Dios kas tao babaen ken Cristo ket isu ti kangrunaan nga ubbog ti naCristianoan a sursuro. Ti pannakaawat a ti Dios ket nasantuan ken mataginayon ket masarakan met kadagiti dadduma a relihion uray pay ti hustisia ken kinamanangaasi ti Dios. Ti naidumduma iti pammatitayo a Cristiano ket ti naipakaammo babaen ken Jesus a ti nasantuan ken agnanayon a Dios ket nagparang kas tao, nagbiag ken natay para iti pannakaisalakan ti lubong ken sangaparsuaan. Daytoy a testimonio ti nakaidumaan ti estoria ti biag ni Jesus kadagiti dadduma pammati maipanggep iti Dios. Ti pannakaammo iti biag ken aramid ni Jesus ditoy lubong ket mangted met iti naan-anay a pannakaammo iti Dios. Ipakaammona met kadagiti mamati ti desinio ken kalat ti Dios iti sangaparsuaan. Uray pay ti rumbeng a panagbiag ken no kasano ti pannakirelasyon ti tao iti padana a tao ken iti aglawlaw ket makita babaen iti biag ni Jesus. Ti pannakaammo iti nagtungpalan ni Jesus a naipakita iti pannagungar ken pananggun-odna iti gloria ti Dios Ama ket isu met ti tulbek ti pannakaawattayo no ania ti agur-uray kadayo kalpasan ti patay ken ania ti pagtungpalan ti pakasaritaan. Ti kaadda ti Dios para kadayo ket kas met laeng iti kaipapanan ti kaadda dagiti nagannak para kadagiti annak. Dagiti kaunaan a pampanunot maipanggep iti Dios ket naparsua ti tao para iti pakaidayawan ti Dios. Kayatna a saoen, addatayo iti daytoy a biag para iti Dios, ngem ti kaipapanan ti iyuulog ti Dios para iti pannakaisalakantayo ket tapno sursuruannatayo nga agpakumbaba ket maliklikan ti kinatangsit. Daytoy ket saan a baro a sursuro, daytoy ket maibasar iti kaipapanan ti panaglasag ti Dios ken Cristo. (Athanasius' Cur deus homo? Why God became human) Kaipapanan daytoy a ti ibababa ti Dios iti gloriana ket tapno maitag-aytayo met iti gloriana. Ti nagbalinan ti Dios babaen ken Cristo ket isu koma met ti bagbalinantayo. Ti panangibaba ti Dios iti saad ken bagina ket naipakita ken Jesus a situtulok iti panangtagibassit ken panangidadanes kenkuana ti pannakabalin ti tao. No kasano a napanday ti pannakaisalakan babaen iti daytoy saan a matukod nga aramid ti Dios, ket nagbalin a paset ti saan nga agpatingga a panangkarkarawa ti tao iti kinasiasino ti Dios, ngem ti kapapatgan kadagiti isu amin ket no ania ti inaramid ti Dios para kadayo, ta daytoy ti mangipakita iti di marukod a panagayat ti Dios kadayo.

## **I. Panggep**

Kalpasan ti panagadal, dagiti nagatendar ket manamnama a:

1. Mai-apirmarda a ti Dios ket para kadayo babaen iti iyuumay ni Jesus ditoy lubong;
2. Maidescrribarda ti ayat ti Dios kadagiti tatao babaen iti pananagtedna ken Jesus ditoy lubong.
3. Madiskutirda dagit inaramid ni Jesus ditoy lubong;
4. Maidemostrarda ti panagyamanda iti Dios gapu iti naindaklan nga ayatna kadayo.

**II. Konsepto:** Ni Jesu-Cristo ket isu't nangiparangarang kadayo no siasino ti Dios.

**Dagiti Kasapulan:** Biblia, himno, activity sheets, kopya ti K-W-L chart

## **III. Linaon/Wagas ti Panagadal**

### **A. Panglukat a panagdaydayaw**

1. Panangpasangbay:
2. Panglukat a Kararag: "Dios ti kinasirib umaykam dita sanguanam tapno dumngeg kadagiti panangisurom kadakami. Idalanmo ti mangisuro kadakami ken dakami amin tapno maaaddaan kami manen ti taraon nga naespirituan tapno maaramidmi dagiti pagayatam. Idalannakami kadi ti Espiritu santom ita a bigat. Amen!
3. Panglukat a Kanta: "The Church that Is Called by God" HFJ #315

### **B. Panagsagana**

1. Lagipenyo ti leksiontayo idi napalabas a lawas. Aniada dagiti nabati a mensahe ti leksion. Ania dagiti teksto ken maysa a banag a malagipyo.
2. Paggudwaen ti klase. Ipresentar ti K-W-L chart ket ti grupo 1 kukuada ti KNOW wenno AMMO. Ti maikadua WHAT I WANT TO LEARN ket kukua met ti grupo a maikadua. Ket ti maudi nga kulom mausar inton malpas panagadal.
3. Ibagi iti klase nga ibingayda ti inaramidda.

### **C. Panawen ti Panagadal**

1. Ibagam kadagiti agtutubo nga basaenda a napigsa ti Dagiti Salmo 2:7 ken Colosan 1:15-17.
2. Diskutiren ti kinaindaklan ni Jesus kadagiti amin a banbanag ditoy lubong babaen kadagiti sumaganad nga topiko:
  - a. Ti bugbogtong nga Anak ti Dios. Inyeg ti Dios ti annakna ditoy lubong.
  - b. Imahen ti saan a makita a Dios. Saan a makita ti Dios gaputta naindaklan ti kababalin ken presensiyana. Ti iyuumay ni Jesus ditoy lubong nakita ti pudno ken realidad a langa ti Dios. No kayattayo nga riknaen ti kinasiasinno ti Dios, kitaen tayo lattan ti kababalin ni Jesus.
  - c. Ti immuna nga nayanak iti amin a parsua. Ni Jesus ti kadayawan ken kangatuan nga addaan autoridad ken importansiya.
  - d. Amin nga banag ket pinarsua ti Dios ken ken para iti Dios. Ti sangaparsuaan ket expresyon ti ayat ti Dios kadayo a pinarsuana. Isut' gapuna nga ti kangrunaan kadagiti pinarsuana ket ti mangitag-ay ken mangdayaw iti Apo.
  - e. Ti kinasiasinnona iti amin a banag. Ni Jesu Kristo agnanayon. Saan nga pinarsua ti

Dios, agnanayon nga adda ken agtaeng kadatayo. Awan ti pagpatinggaanna ken pangruggianna.

- f. Ket kenkuana amin a banag pagmaymaysaenna. Amin a banag pagmaymaysaen ni Cristo dagiti parsua ken adda amin a kaipapanan. Kanayon nga ipaayna ti ayat ken substansiya. Ti kinaiimportansiya ken kinadaeg ni Cristo ket agpatpatuloy. Saanna la inaramid ti sangaparsuaan no di ket sussustenarena babaen iti panangmaymaysa iti amin a sangaparsuaan.

**D. Panangpauneg ti Adal/Panagbibinuray**


- 1. Agsubli iti KWL Chart, dagiti agad-adal ituloyda agsasarita ket isuratda iti maikatlo nga kolum- no ania ti nasurssuroda maipapan iti daytoy a leksion.
- 2. Damagem dagiti sumaganad:
  - a.) Ti kadi surat ni San Pablo maipapan ken Cristo iti Colosas 1:15-17 suportaran nga ti Dios para kadatayo babaen iti iyuumay ni Cristo ditoy lubong. Kasano?
  - b.) Ania ti makunatayo kadagitoy a diskusyon tayo? (Ay-ayaten ti Dios ti lubong ken ti sibubukel a sangaparsuaan, ket nagbalin a tao gapu ken Jesus tapno ipakitada ti pudno a langa ken kinatao ti Dios.)
  - c.)

**E. Panangdiskubre ti Adal**

Damagem: “Ania dagiti inaramid ni Jesus a mangipakita nga ti Dios ket para kadatayo?”

**F. Panangyaplikar ti Adal**

Mangdrowing iti grapiko. Tuladen ti adda iti baba. Mabalín nga isurat iti blackboard wenno cartolina wenno manila paper.



### ***G. Pangrikep a Panagdayaw***

1. Panagdaton:
2. Pangrikep a kanta: "The Church that Is Called by God" HFJ #315 and  
"Ang Tanging Alay Ko"
3. Pangrikep a Kararag: Mangdutok iti maysa nga agtutubo.  
Sungbat: Tallo nga Amen!

## **Adult Level**

April 24, 2016

Maikapat a Domingo kalpasan Panangungar

Leksion 22: Panangammo iti Dios Babaen iti Nagungar a Cristo

### **Daan a Tulag: Dagiti Salmo 2:7**

Kuna ti Ari, "Ipakaammok ti inbilin ti Apo. Kinunana kaniak, "Sika ti annakko manioud ita nga aldaw nagbalinak nga Amam."

### **Baro a Tulag: Colosas 1:15-17**

Ti Katatao ken Trabaho ni Cristo

Ni Cristo ti pudno a ladawan ti saan makita a Dios. Isu ti inauna nga Anak, kayatna a sawen, katatan-okan kadagiti amin a parsua. Ta babaen kenkuana, pinarsua ti Dios dagiti amin nga adda iti langit ken daga dagiti makita ken dagiti saan agraman dagiti naespirituan a pannakabalin, trono, panagturay, kinatan-ok ken bileg. Pinarsua ti Dios ti entero a lubong babaen kenkuana ken maipaay kenkuana.

### **Pannakailawlawag ti Teksto**

Ti Salmo 2 ket dakamatenna ti biang ni Ari David kas pinili ti Dios nga agturay. Inayonna pay ti pakaibasaran ti panagturay dagiti dadduma pay a kaputotan ni David. (Davidic dynasty) Daytoy a pannakapili ket maysa a pannakaipakita ti naisangsangayan a relasion nga impasdek ti Dios kadagiti nagtuturay a kaputotan ni David nangrugi kenkuana. Ti pannakaipadto ti mangisalakan ket dakamatenna a daytoy ket agtaud iti kaputotan ni David nga asideg la unay iti Dios ket naawagan pay kas anak ti Dios. Ni ari David ken dagiti simmukat kenkuana kas ari ket nagturayda iti abagatan a paset ti Israel, nga isu ti Juda, nupay kasta saan a limmawa daytoy a pagturayan agingga iti panangdadael ti Babilonia ket naitalaw pay kas balud dagiti taga Babilonia dagiti dadduma a nagturay idi 597-587 BCE. Ti Salmo 2:7 ket maysa a panangbigbig kadagiti ari iti kaputotan ni David, ken maysa met laeng a mensahe kadagiti tattao iti ruar ti Israel a di nabaelan a sinakup ken inokupar dagiti kaputotan ni David. Ti sangalubongan ket naituding nga iturayan dagiti kaputotan ni David. Ket nupay saan a nagballigi ti nasao a kaputotan a nangpalawa iti pagturayanna iti ungto ti daga, ngem intuding ti Dios a ti mesias, wenna ti mangisalakan ken agturay iti sangalubongan ket nagtaud iti kaputotan ni David.

Iti met surat ni Apostol Pablo, bigbigenna a ni Jesus ti Apo ti sangaparsuaan, ken ladawan ti saan a makita a Dios. Adda ken Cristo ti amin a pannakabalin ket iturayanna amin a parsua. Dagiti trono, panagturay, kinatan-ok ken amin a pannakabalin ket naparsuada babaen kenkuana ken maipaay kenkuana. Inyeg ti pannakatay ni Jesus iti krus ti naindaklan ken baro a kaipapanan ti relasion ti Dios Ama ken ti pinilina para iti pannakasubbot ken kappia iti nagbabaetan dagiti tattao ken nasion nga awan ti maidumduma. Impasdek ni Jesus ti baro a pangrukodan. Kaipapananna a mabalin a maisubli ti dignidad ti tao ken agbiag a nawaya babaen iti pammati ken panangsuot iti dana a nagaan ni Jesus. Ti panagbiag iti ayat ti Dios ket saan laeng a gagangay a panagdaliasat gaputa kasapulan ti panagibtur ken panagsakripisio

a danggayan ti pudno a panagtulnog ken pannakaigamer iti espiritu ti kinapudno a mangyeg iti wayawaya. Ngarud dagiti napabileg nga annak ti Dios ket agbiagda kas baro a parsua ken Cristo nga addaan naisangsangayan a panggep ken mision iti biag a napno iti mangwayawaya, mamagkappia ken mangted talna nga ayat ti Dios. Ti relasion nga indiaya ti Dios kadagiti nagturay a kaputotan ni David ket saan a nataginayon ti panagballigina agingga a natnag iti ima dagiti taga Babilonia, ngem ti Salmo ti Ari ket saan a nalipatan dagiti tattao ti mensahena. Nagkararagda a napnuan namnama iti panagsubli ti mangisalakan manipud iti kaputotan ni David, nga iti agdama, naawatan dagiti Cristiano kas baro ken umisu a kaipapanan ti Meslas babaen ken Jesu Cristo isu a nagsagaba a nagtaud iti kaputotan ni David. Inlawlawag met ni Pablo iti suratna kadagiti taga Colosas a ni Jesus nga Apo ti sangaparsuaan ti agtagikua iti amin a pannakabalin, turay ken ti naipannayag a ladawan ti Dios. Ni Jesu Cristo ti naan-anay a pakatungpalaan ti naipakaammo iti Salmo a Mesias, ti pakatungpalaan ti panangipakaammo ti Dios iti kinasiasinona. Ti nagungar a Cristo ket adda mensahena kadayo, a ti Dios adda kenkuana, ket kenkuana masarakan ti sangaparsuaan ti kaipapanan, panggep ken dignidad.

## **TARABAY KADAGITI MANGISURO**

Iti testimonio dagiti Apostoles, ni Cristo ti naan-anay a nakaiparangaran ti Dios para kadayo. Ti linteg ken dagiti Propeta ket naisurat ti pammaneknekda iti daytoy a kinapudno iti Daan a Tulag. Ngem ti pammaneknek ni Jesus ket nagbalin a dara ken lasag. Ti panagbalin ti Dios kas tao babaen ken Cristo ket isu ti kangrunaan nga ubbog ti naCristianoan a sursuro. Ti pannakaawat a ti Dios ket nasantuan ken mataginayon ket masarakan met kadagiti dadduma a relihion uray pay ti hustisia ken kinamanangaasi ti Dios. Ti naidumduma iti pammatitayo a Cristiano ket ti naipakaammo babaen ken Jesus a ti nasantuan ken agnanayon a Dios ket nagparang kas tao, nagbiag ken natay para iti pannakaisalakan ti lubong ken sangaparsuaan. Daytoy a testimonio ti nakaidumaan ti estoria ti biag ni Jesus kadagiti dadduma pammati maipanggep iti Dios. Ti pannakaammo iti biag ken aramid ni Jesus ditoy lubong ket mangted met iti naan-anay a pannakaammo iti Dios. Ipakaammona met kadagiti mamati ti desinio ken kalat ti Dios iti sangaparsuaan. Uray pay ti rumbeng a panagbiag ken no kasano ti pannakirelasyon ti tao iti padana a tao ken iti aglawlaw ket makita babaen iti biag ni Jesus. Ti pannakaammo iti nagtungpalaan ni Jesus a naipakita iti pannagungar ken pananggun-odna iti gloria ti Dios Ama ket isu met ti tulbek ti pannakaawattayo no ania ti agur-uray kadayo kalpasan ti patay ken ania ti pagtungpalaan ti pakasaritaan. Ti kaadda ti Dios para kadayo ket kas met laeng iti kaipapanan ti kaadda dagiti nagannak para kadagiti annak. Dagiti kaunaan a pampanunot maipanggep iti Dios ket naparsua ti tao para iti pakaidayawan ti Dios. Kayatna a saoen, addatayo iti daytoy a biag para iti Dios, ngem ti kaipapanan ti iyuulog ti Dios para iti pannakaisalakantayo ket tapno sursuruannatayo nga agpakumbaba ket maliklikan ti kinatangsit. Daytoy ket saan a baro a sursuro, daytoy ket maibasar iti kaipapanan ti panaglasag ti Dios ken Cristo. (Athanasius' Cur deus homo? Why God became human) Kaipapanan daytoy a ti ibababa ti Dios iti gloriana ket tapno maitag-aytayo met iti gloriana. Ti nagbalinan ti Dios babaen ken Cristo ket isu koma met ti bagbalinantayo. Ti panangibaba ti Dios iti saad ken bagina ket naipakita ken Jesus a situtulok iti panangtagibassit ken panangidadanes kenkuana ti pannakabalin ti tao. No kasano a napanday ti pannakaisalakan babaen iti daytoy saan a matukod nga aramid ti Dios, ket nagbalin a paset ti saan nga agpatingga a panangkarkarawa ti tao iti kinasiasino ti Dios, ngem ti kapapatgan kadagiti isu amin ket no ania ti inaramid ti Dios para kadayo, ta daytoy ti mangipakita iti di marukod a panagayat ti Dios kadayo.

## **I. Panggep**

Kalpasan daytoy a panagadal, dagiti nagadal manamnama a:

1. Maiyapirmarda nga ti Dios ket para kadayo babaen iti iyuumay ni Cristo;
2. Mailadawan da ti relasyon ni Cristo iti Dios, kadayo ken ti sibubukel a nakaparsuaan;
3. Madiskutir da dagiti inaramid ni Jesus tapno ipaneknekna ti kinamannakabalinna ken kinatan-okna;.
4. Maipakitada ti panagtalekda ken Cristo iti amin a paset ti panagbiagda.

**II. Konsepto:** Ni Jesu-Cristo ket isu't nangiparangarang kadayo no siasino ti Dios.

**Dagiti Kasapulan:** Biblia, himno, activity sheet

## **III. Linaon Ti Panagadal**

### **A. Panglukat a Panagdayaw**

1. Panangpasangbay
2. Panglukat a Kararag: "Apo Dios amami a nasantuan, umaykami kas agdenggeg ken agadal kadagiti sasaom. Idalannakami pakairamanan ti mangidalan kadakami. Tulogannakami ti Santo espiritum tapno agraniag kami iti agdama a napeggad a panawen. Amen."
3. Panglukat a Kanta: "The Church that Is Called by God" HFJ #315
- 4.

### **B. Panagsagana**

Isagana ti klasem babaen iti panangdamagmo: "Sinno ti nakapadas kadakayon iti panagsaksi diay korte?" Ania ti riknam? Ania ti importansiya ti agbalin a saksi ti kinapudno?

### **C. Panawen ti Panagadal**

1. Ibagam: "Nagsurat ni San Pablo kadagiti taga Corinto ngamin adu dagiti tumaud nga saan a pudno a mangisursuro ken adu dagiti atakeda ken Jesu Cristo ket targagayan ni San Pablo nga protektaran dagiti Cristiano.
2. Ipabasam ti pakaibatayan ti leksion ita a bigat.
3. Diskutiren no kasano nga inpakita ni San Pablo ti kinatan-ok ni Cristo ken ti sibubukel a sangaparsuaan a mangduprak iti saan nga umiso a panursuro kadagiti sinan-maestro idia Colosas
  1. Ti Relasion ti Dios ken ni Cristo. Inladawan ni San Pablo a ni Jesus ti ladawan ti saan a makita a Dios. (b.15) Daytoy a ladawan ket saan nga iti akinruar a langa ngem ti kababalin, ug-uagali ken kina-imbag. Idi naparsua da Adan ken Eva naipaay kadakuada ti langa a kasaasping ti Dios. Nu man pay no kasta, idi nagbasolda iti Dios namansaan ti langada iti basol. Awan sabali a makaikkat dayta a basol no di laeng ni Cristo babaen iti ipapatayna idia krus tapno maaddaantayo ti pannakaisalakan. Immay ni Jesus tapno isyangkatna ti plano ti Dios a mangisalakan ti lubong ken dagiti amin nga annakna.

b. Ti relasion ni Cristo ken iti sangaparsuaan. Tapno makontra ti panursuro dagiti Sinan-maestro inlawlawag manen ni San Pablo ti maysa a kababalin ni Cristo kas katan-okan kadagiti amin a parsua. (b. 15). Isu ti inauna nga Anak, kayatna a sawen, katatan-okan kadagiti amin a parsua. Ta babaen kenkuana, pinarsua ti Dios dagiti amin nga adda iti langit ken daga dagiti makita ken dagiti saan agraman dagiti naespirituan a pannakabalin, trono, panagturay, kinatan-ok ken bileg. Pinarsua ti Dios ti entero a lubong babaen kenkuana ken maipaay kenkuana. (b16-17). Kayatna a sawen a ni Cristo ti katan-okan a ladawan ti Dios. Ni Cristo ti pakaiyebkasan ti kinasiasinno ti Dios.

**D. Panangpauneg ti Adal/Panagbibinnuray**

Ibagam iti klasen nga ibingayda ti kapanpanunotanda ken interpretasionda maipapan iti teksto.

1. Dagiti Sinan-maestro idia Colosas ipadpadamagda nga saan a makaanay ni Cristo nga ladawan ti Dios, ngem ni San Pablo kinontrana dayta nga panursuro ket inpatalgedna nga ni Cristo ti ladawan ti Dios.
  - a. Apay a dagiti tattao idia Colosas, panunotenda ti kastoy a pannirigan?
  - b. Kasano ti kinasiribtayo a mangpatalged a ni Cristo ti ladawan ti Dios?
2. Inpangpangruna ni San Pablo ti otoridad ken kinatan-ok ni Cristo kadagiti amin nga agtuturay ditoy daga uray pay iti langit.
  - a. Kasano daytoy a balikas idalanna ti intay panagdalliaast iti panagpammati?
  - b. Kasano nga ti kinatan-ok ken kinabileg ni Cristo mangted kappia kadatayo?

**E. Panangdiskubre ti Adal**

Saludsodem: “Ania ti inaramid ni Jesus tapno maipakita a ti Dios ket para kadatayo?”

**F. Pannagyaplikar ti Adal**

**G. Pangrikep a Panagdayaw**

1. Kumpletuenda ti chart iti baba. Saggaysaen ket ibingayda iti klase

Dagiti parte ti biagko nga masapul ti kompleto a panagtalekko iti Apo	Kasano? Ania da dagiti wagasmo?

2. Isarunoda nga ibingay dagiti kapanpanunotanda no kasano ti panangiburayda ti biagda tapno babaen kadakuada maiparangarang a ni Cristo ti ladawan ti Dios ket gapu ta isuda ket mamati ken Cristo kasano met iti agdama ti panagsaksida.
  - a. Iti Pagtaengan
  - b. Iti pantrabahuan
  - c. Iti Iglesia
  - d. iti Kagimongan

**G. Pangrikep a Panagdayaw**

1. Panagdaton.



2. Pangrikep a Kanta: "The Church that Is Called by God" HFJ #315 *Pangrikep a Kararag*:
3. Pangrikep a Kararag: Mangdutok ti maysa a nataengan a mangted ti kararag.  
Sungbat: Tallo nga Amen!